

奉此、除分令外、合行令仰該處公司 即便轉飭所屬一體知照、此令、局

廣東建設廳廳長孫科

令所屬各機關奉省府令廣東各界本月廿三日舉行預祝北伐成功大會并於是日張燈結綵同申慶祝由 中華民國十五年八月廿四日

分令所屬各機關

為通令事、現奉

廣東省政府令第九三二號開、現奉

國民政府第四四三號令開、現准廣東各界預祝北伐成功大會函開、竊自我政府出師北伐以來、節節勝利、廣東各界、得聞捷報、雀躍不勝、現為鼓舞前方將士起見、特決定於本月廿三日、在東較場、舉行廣東各界預祝北伐成功大會、本日開籌備會議、議決函請鈞府、通飭所屬各機關、於是日一律張燈結綵、同申慶祝、當經通過在案、理合備文函請察照、等由、准此、除分令外、合行令仰轉飭所屬一體遵照、此令、等因、奉此、自應遵辦、除分飭外、合就行知、為此令仰即便遵照、並轉飭所屬一體遵照辦理、切切此令、等因、奉此、除分令外、合行令仰該處即便遵照、并轉飭所屬一體遵照、此令、

廣東建設廳廳長孫科

令各路局發給廣州學生聯合會北伐宣傳隊及籌款特派員舟車免費証呈廳轉送由 中華民國十五年八月廿五日

管理粵漢鐵路事務徐蘇中

分令廣三鐵路管理局局長李作榮

廣九鐵路管理局局長姚觀順

爲令飭事、現准

廣東民政廳第一〇三九號咨開、現據廣州學生聯合會呈稱竊以大軍北伐要在宣傳、緣以喚起民衆、鼓勵軍心、促成國民革命以剪滅此萬惡之軍閥、而達到奠國救民之大計、爭勝存危、關係綦重、敝會豈得逃閒偷安、而忘匹夫有責之訓、故徹夜旁惶、惟恐有溺厥職、是以有北伐宣傳委員會之組織、以從事北伐之宣傳、得早奏凱歌、而毋負黨國之望、但關於宣傳隊出發各地宣傳時、應得該地當局之招待膳宿及保護、方無發生意外之虞、至於往來盤纏、爲數亦不少、當敝會經費支絀時、此項實難籌措、但大任所在、不當因此而冷志、故不得不懇請鈞廳、准給來往舟車免費証護照五十張、及通令各縣縣長、當宣傳隊至該地時、應予招待及保護、庶此大任得行、而北伐成功可卜、黨國幸甚、敝會幸甚、又據呈稱、竊以現值大軍北伐之秋、後方之宣傳與接濟、最爲重要敝會素以領導民衆、實行國民革命、爲職志對於後方宣傳與接濟之義務、概求盡其棉力、弗敢後人、除有北伐宣傳隊之組織外、更擬遣派籌款、特派員八人赴各地籌款、以爲接濟北伐軍之用、但出發各地時、須賴該地當局之保護與招待、方可無虞、而來往舟車費用、在敝會經濟支絀之際、亦必賴各地交通機關通融免費、用特懇請鈞廳、准予通令各縣縣長、當敝會各特派員到來時、應予以保護及招待一切膳宿、並請發給來往護照及舟車免費證八張、俾往來無碍、而賴以籌得巨款、援助北伐各軍、黨國幸甚、各等情前來、除發給護照、並通令各縣市遵照保護、並妥爲招待外、至所請發給舟車免費證一節、應請貴廳查照核辦、仍祈見復、實緝公誼、等由、准此、除咨復及分令外、合行令、仰該

管理  
局長

即便遵照、將免費證呈廳以備轉送、此令、

廣東建設廳廳長孫科